

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 7. sjednici, održanoj dana 09.02.2023. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona, broj: 12/06-30-18743-7/22 od 02.02.2023. godine, dato po prijedlogu Službe za vodoprivredu, putnu infrastrukturu i mjesne zajednice Grada Zenica za Program rada Skupštine Zeničko-dobojskog kantona za 2023. godinu, koje je sastavni dio ovog zaključka.

II.

Zaključak sa Mišljenjem iz tačke I. dostavlja se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

PREMIJER

Amra Mehmedić

Broj: 02- _____ /23

Datum, 09.02.2023. godine

Z e n i c a

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
1x Stručna služba Skupštine,
1x Služba za vodoprivredu, putnu infrastrukturu
 i mjesne zajednice Grada Zenica, putem Ministarstva,
1x a/a.



Broj: 12/06-30-18743-7/22

Zenica, 02.02.2023. godine

U vezi prijedloga Službe za vodoprivredu, putnu infrastrukturu i mjesne zajednice Grada Zenica koji se odnosi na uvrštavanje propisa koji reguliše uvjete, način i postupak organiziranja linijskog i vanlinijskog prijevoza na nivou kantona u Program rada Skupštine Zeničko-dobojskog kantona za 2023. godinu, Ministarstvo za prostorno uređenje, promet i komunikacije i zaštitu okoline Zeničko-dobojskog kantona daje sljedeće:

MIŠLJENJE

Nije prihvatljiv prijedlog Službe za vodoprivredu, putnu infrastrukturu i mjesne zajednice Grada Zenica, broj: 09-45-26161/22 H.B. od 05.01.2023. godine, da se u Program rada Skupštine Zeničko-dobojskog kantona za 2023. godinu uvrsti donošenje posebnog propisa iz člana 10. stav 2. Zakona o cestovnom prijevozu Federacije Bosne i Hercegovine („Službene novine Federacije BiH”, broj 28/06, 2/10, 57/20 i 44/22) koji reguliše uvjete, način i postupak organiziranja linijskog i vanlinijskog prijevoza na nivou kantona.

Poseban propis koji reguliše uvjete, način i postupak organiziranja linijskog i vanlinijskog prijevoza na nivou kantona nije donesen iz razloga što je ova djelatnost već detaljno uređena Zakonom o cestovnom prijevozu Federacije Bosne i Hercegovine („Službene novine Federacije BiH”, broj 28/06, 2/10, 57/20 i 44/22) i Pravilnikom o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine Federacije BiH”, broj 79/13, 91/14, 98/14 i 84/15), u čijem donošenju je aktivno učestvovalo i ovo ministarstvo.

Zbog poremećaja na tržištu izazvanih globalnim ekonomskim kretanjima i njihovog uticaja na poslovanje privrednih subjekata, pojavila se potreba za izradu novog zakona i podzakonskih akata koji regulišu oblast cestovnog prijevoza, a u cilju prilagođavanja istih stanju na relevantnom tržištu, potrebama privrede i korisnika prijevoza.

S tim u vezi formirana je radna grupa za izradu navedenih propisa u koju su imenovani i predstavnici ovog ministarstva.

Donošenje novog zakona proizilazi i iz Sporazuma o stabilizaciji i pridruživanju između Evropske unije i Bosne i Hercegovine prema kojem je Bosna i Hercegovina dužna omogućiti slobodno kretanje putnika i roba na nediskriminirajućoj osnovi, te mora biti usklađen sa evropskim zakonodavstvom i potrebama domaće privrede.

Novim zakonom će biti precizno propisane nadležnosti kantona vezano za donošenje propisa o organizaciji linijskog i vanlinijskog prijevoza, a koji neće biti u koliziji sa federalnim propisima.

MINISTAR

Danijel Pašić
Danijel Pašić

Obrađivač: Eladina Mujičić

Eladina Mujičić